

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj : 65 0 Ip 927680 21 Ip
Sarajevo, 26.06.2023.. godine

OPĆINSKI SUD U SARAJEVU, sudija Bojana Miralem, u izvršnom postupku tražioca izvršenja Ziraat Bank BH dd Sarajevo koju zastupa Edisa Zorlak Pešte, advokat iz Sarajeva, protiv izvršenika "Deni Travel" D.O.O. Sarajevo, ul. Ismeta Alajbegovića Šerbe br.30, Ilidža, radi Izvršenja, dana 26.06.2023. godine, donosi slijedeći

Z A K L J U Č A K **o prodaji pokretnih stvari**

1. Ročište za prvu javnu prodaju založenih stvari zakazano za 23.06.2023. godine u 9,00 sati nije održano zbog neispunjena procesnih razloga, odnosno neuredne dostave zaključka kojim se ročište zakazuje izvršeniku.
2. Ponovo se zakazuje **prvo ročište za prodaju založene pokretne stvari izvršenika „DENI TRAVEL“ d.o.o. Ilidža, ul. Ismeta Alajbegovića Šerbe br.30, putem usmenog i javnog nadmetanja i to:**
 - putničkog motornog vozila marke Opel, model Vivaro, godina proizvodnje 12.04.2017.g., broj sjedišta 8+1, boja crna, pređena kilometraža 108883, podaci o motoru R9M-MD/C148663, radna zapremina 1598 ccm, konfiguracija 4-linijska, broj ventila 16, 4 po cilindru, gorivo-dizel, snaga 85 kW, euro norma Euro 6, vlasništvo „DENI TRAVEL“ d.o.o. Ilidža , procijenjena vrijednost 19.555,22 KM,

za dan petak, 18.08.2023. godine u 09,00 sati, a isto će se održati u zgradi Općinskog suda u Sarajevu u sobi 454/IV sprat

sve na osnovu člana 126. i 130., a u vezi sa članovima 135., 82., 87., 88. i 89. Zakona o izvršnom postupku.

3. Rješenjem o izvršenju Općinskog suda u Sarajevu broj gornji od 07.10.2021.godine određeno je izvršenje pljenidbom, procjenom i prodajom pokretnih stvari izvršenika. Navedena pokretna stvar zaplijenjena je od strane sudskih izvršitelja i predana na čuvanje tražiocu izvršenja.
4. Vrijednost zaplijenjenog motornog vozila procijenjena je od strane stalnog sudskog vještaka mašinske struke, Kurtović Kemala, nalazom i mišljenjem od 05.12.2022. godine na iznos od 19.555,22 KM.
5. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.
6. Sud će u smislu člana 77. ZIP-a, a u vezi sa članom 135 ZIP-a, zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršioca. Navedeni zahtjev mora biti podnjet u pisanoj formi 8 dana prije održavanja ročišta.
7. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod ½ (jedne polovine) od procijenjene vrijednosti.

8. Ako se pokretne stvari ne prodaju prilikom prvog javnog nadmetanja, odnosno na prvom ročištu Sud će na prijedlog stranaka, odnosno zahtjev tražioca izvršenja koji se može podnijeti u roku od 8 (osam) dana od dana održavanja neuspjelog ročišta zakazati drugo ročište na kojem se pokretne stvari koje su predmet prodaje mogu prodati bez ograničenja u pogledu iznosa njihove cijene.
9. Sud će obustaviti postupak ako stranka ne predloži u roku od 8 dana održavanje drugog ročišta za javno nadmetanje, ili ako se stvari ne uspiju prodati ni na drugom ročištu za javno nadmetanje.
10. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata. Po uplati cijene Sud će donijeti rješenje o dosudi, a potom i rješenje o namirenju.
11. Na javnom nadmetanju kao kupci mogu učestvovati samo osobe koje su prethodno položile osiguranje koje iznosi 1/10 (jedna desetina) određene vrijednosti pokretne stvari koja se želi kupiti, s tim da iznos osiguranja ne može preći iznos od 10.000,00 KM.
12. Osiguranje se polaže na depozitni račun depozitni račun Općinskog suda u Sarajevu broj 1411965320009639 otvoren kod BBI Banka Sarajevo, sa naznakom broja predmeta.
13. Ponuđačima čija ponuda ne bude prihvaćena, osim za tri najbolja ponudioca, vratit će se položeno osiguranje odmah nakon zaključenja javnog nadmetanja.
14. Od polaganja osiguranja u ovoj izvršnoj stvari oslobođen je tražitelj izvršenja.

Ovaj zaključak objavit će se na oglasnoj ploči suda, a tražitelj izvršenja može, o svom trošku, isti objaviti u sredstvima javnog informisanja.

S U D I J A
Bojana Miralem

POUKA: Protiv ovog zaključka nema mjesta pravnom lijeku.